

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Rješenje
o koncentraciji privrednih subjekata Coca-Cola HBC B-H, BIMAL d.d. i
BANJALUČKA PIVARA a.d.

Sarajevo
avgust, 2013. godine



Broj: 02-26-1-09-14-II/13
Sarajevo, 1.8.2013. godine

Na osnovu člana 25. stav (1) tačka e), člana 42. stav (1) tačka d), člana 48. stav (1) tačka e), člana 49. stav (1) tačka b), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po zajedničkoj Prijavi koncentracije privrednog subjekta Coca-Cola HBC B-H d.o.o. Sarajevo, Mostarsko raskršće bb, Hadžići, 71000 Sarajevo, privrednog subjekta BIMAL dioničko društvo za proizvodnju ulja, Bijeljinska 9, 76100 Brčko distrikt, i privrednog subjekta Akcionarsko društvo BANJALUČKA PIVARA Banja Luka, Slatinska 8, 78000 Banja Luka, podnesenu po opunomoćeniku advokatu Nihadu Sijerčiću, Trg djece Sarajeva 1/V, 71000 Sarajevo, zaprimljenoj dana 24.5.2013. godine pod brojem: 02-26-1-09-II/13, Konkurencijsko vijeće Bosne i Hercegovine, na 64. (šezdesetčetvrtoj) sjednici održanoj dana 1.8.2013. godine, donijelo je

R J E Š E N J E

1. Ocjenjuje se dopuštenom koncentracija na tržištu upravljanja ambalažnim otpadom u Bosni i Hercegovini nastala osnivanjem privrednog subjekta EKOPAK – Društvo za postupanje sa ambalažnim otpadom d.o.o Sarajevo, Zmaja od Bosne 7-7a, 71000 Sarajevo, zajedničkim ulaganjem privrednog subjekta Coca-Cola HBC B-H d.o.o. Sarajevo, Mostarsko raskršće bb, Hadžići, 71000 Sarajevo, privrednog subjekta BIMAL dioničko društvo za proizvodnju ulja, Bijeljinska 9, 76100 Brčko distrikt, i privrednog subjekta Akcionarsko društvo BANJALUČKA PIVARA Banja Luka, Slatinska 8, 78000 Banja Luka.
2. Utvrđuje se da privredni subjekat Coca-Cola HBC B-H d.o.o. Sarajevo, Mostarsko raskršće bb, Hadžići, 71000 Sarajevo, privredni subjekat BIMAL dioničko društvo za proizvodnju ulja, Bijeljinska 9, 76100 Brčko distrikt, i privredni subjekat Akcionarsko društvo BANJALUČKA PIVARA Banja Luka, Slatinska 8, 78000 Banja Luka nisu podnijeli Prijavu koncentracije u zakonom predviđenom roku, u smislu člana 16. stav (1) Zakona o konkurenciji, i da su proveli koncentraciju bez rješenja Konkurencijskog vijeća, u smislu člana 18. stav (9) istog Zakona.
3. Radi nepodnošenja Prijave koncentracije u Zakonom predviđenom roku, u smislu člana 16. stav (1) Zakona o konkurenciji izriče se novčana kazna privrednom subjektu Coca-Cola HBC B-H d.o.o. Sarajevo, Mostarsko raskršće bb, Hadžići, 71000 Sarajevo u iznosu od 44.312,00 KM, privrednom subjektu BIMAL dioničko društvo za proizvodnju ulja, Bijeljinska 9, 76100 Brčko distrikt u iznosu od 104.572,00 KM i privrednom subjektu Akcionarsko društvo BANJALUČKA PIVARA Banja Luka, Slatinska 8, 78000 Banja Luka, u iznosu od 9.525,00 KM, koju su dužni platiti u roku od 8 dana od prijema ovog Rješenja.
4. Radi provođenja koncentracije bez Rješenja Konkurencijskog vijeća, u smislu člana 18. stav (9) Zakona o konkurenciji izriče se novčana kazna privrednom subjektu Coca-Cola HBC B-H d.o.o. Sarajevo, Mostarsko raskršće bb, Hadžići, 71000 Sarajevo u iznosu od 139.582,00 KM, privrednom subjektu BIMAL dioničko društvo za proizvodnju ulja, Bijeljinska 9, 76100 Brčko distrikt u iznosu od 329.403,00 KM i privrednom subjektu Akcionarsko društvo BANJALUČKA PIVARA Banja Luka, Slatinska 8, 78000 Banja

Luka, u iznosu od 29.273,00 KM, koju su dužni platiti u roku od 8 dana od prijema ovog Rješenja.

5. U slučaju da privredni subjekti izrečene novčane kazne u tačkama 3. i 4. dispozitiva ovog Rješenja ne uplate u navedenom roku, iste će biti naplaćene prinudnim putem uz obračunatu zateznu kamatu za vrijeme prekoračenja roka, prema važećim propisima Bosne i Hercegovine.
6. Ovo Rješenje o koncentraciji upisuje se u Registar koncentracija.
7. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (dalje u tekstu: Konkurencijsko vijeće) je zaprimilo zajedničku Prijavu koncentracije (dalje u tekstu: Prijava) privrednog subjekta Coca-Cola HBC B-H d.o.o. Sarajevo, Mostarsko raskršće bb, Hadžići, 71000 Sarajevo (dalje u tekstu: Coca-Cola HBC B-H), privrednog subjekta BIMAL dioničko društvo za proizvodnju ulja, Bijeljinska 9, 76100 Brčko distrikt (dalje u tekstu: BIMAL), i privrednog subjekta Akcionarsko društvo BANJALUČKA PIVARA Banja Luka, Slatinska 8, 78000 Banja Luka (dalje u tekstu: BANJALUČKA PIVARA) (dalje u tekstu: Podnosioci prijave), podnesenu putem opunomoćenika advokata Nihada Sijerčića, Trg djece Sarajeva 1/V, 71000 Sarajevo, dana 24.5.2013. godine pod brojem: 02-26-1-09-II/13 kojom su Podnosioci prijave zajedničkim ulaganjem na dugoročnoj osnovi osnovali privredni subjekat EKOPAK – Društvo za postupanje sa ambalažnim otpadom d.o.o Sarajevo, Zmaja od Bosne 7-7a, Objekat O3, 71000 Sarajevo (dalje u tekstu: EKOPAK).

Podnosioci prijave su predmetnu Prijavu dopunili podneskom broj: 02-26-1-09-1-II/13 od dana 29.5.2013. godine, podneskom broj: 02-26-1-09-3-II/13 od dana 12.6.2013. godine, podneskom broj: 02-26-1-09-9-II/13 od dana 25.7.2013. godine i podneskom broj: 02-26-1-09-11-II/13 od dana 30.7.2013. godine.

Po prijemu dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona o konkurenciji (dalje u tekstu: Zakon), dana 31.7.2013. godine, pod brojem: 02-26-1-09-12-II/13.

Podnosioci prijava nisu podnijeli zahtjev za ocjenu koncentracije nekom drugom tijelu za konkurenciju izvan Bosne i Hercegovine, u smislu člana 30. stav (2) Zakona.

Konkurencijsko vijeće je u postupku ocjene koncentracije utvrdilo slijedeće činjenice:

- 1) Prijava nije podnesena u Zakonom propisanom roku, u smislu člana 16. stav (1) Zakona.
- 2) Koncentracija je provedena bez rješenja Konkurencijskog vijeća, u smislu člana 18. stav (9) istog Zakona.

1. Učesnici koncentracije

Učesnici koncentracije su privredni subjekti Coca-Cola HBC B-H d.o.o. Sarajevo, Mostarsko raskršće bb, Hadžići, 71000 Sarajevo, BIMAL dioničko društvo za proizvodnju ulja, Bijeljinska 9, 76100 Brčko distrikt i Akcionarsko društvo BANJALUČKA PIVARA Banja Luka, Slatinska 8, 78000 Banja Luka.

1.1. Privredni subjekat Coca-Cola HBC B-H

Privredni subjekat Coca-Cola HBC B-H d.o.o. Sarajevo, Mostarsko raskršće bb, Hadžići, registrovano je u Općinskom sudu u Sarajevu pod brojem: 65-01-0806-09 (stari broj: 1-17278) (JIB: 4200200160006), sa ugovorenim osnovnim kapitalom od (..)**¹KM i u (..)**% je vlasništvu privrednog subjekta CC Beverages Holding II B.V., Naritaweg 165, 1043 BW Amsterdam, Kraljevina Holandija.

Privredni subjekat Coca-Cola HBC B-H djeluje na tržištu proizvodnje i prodaje bezalkoholnih napitaka u Bosni i Hercegovini od 1996. godine. Privredni subjekat Coca-Cola HBC B-H je ovlaštena punionica robnih marki: Coca-Cola, Coca-Cola Zero, Fanta, Sprite, Cappy, Cappy Tempo, Next i Burn, domaće robne marke Olimpija, kao i robnih marki pod licencom drugih kompanija, kao što su Nestea i Schweppes.

Privredni subjekat Coca-Cola HBC B-H nema povezanih društava u Bosni i Hercegovini i ne djeluje na tržištu upravljanja ambalažnim otpadom.

1.2. Privredni subjekat BIMAL

Privredni subjekat BIMAL dioničko društvo za proizvodnju ulja, Bijeljinska 9, 76100 Brčko distrikt, upisan je u sudski registar Osnovnog suda Brčko Distrikta Bosne i Hercegovine pod brojem: 1-323 (JIB: 4600029240002), sa osnovnim kapitalom od (..)**KM, a privredni subjekat Seed Oil Holdings GmbH, Willhelminenstrasse 91/19/2, Wien, Republika Austrija, posjeduje (..)**% od ukupnog broja dionica sa pravom glasa.

Privredni subjekat BIMAL djeluje na tržištu proizvodnje i prodaje jestivog ulja (suncokretovo i biljno ulje) kao i na tržištu proizvodnje proteinske sačme za industriju stočne hrane u Bosni i Hercegovini. Privredni subjekat BIMAL posjeduje proizvodne pogone za preradu sjemena (ekstrakcija, prešaona), rafinerija, punionica, te veliki logistički centar za skladištenje svog proizvodnog programa.

Povezana društva privrednog subjekta BIMAL u Bosni i Hercegovini su:

- privredni subjekat STUDEN & CO.AREX d.o.o., Kerep bb, 76250 Gradačac;
- privredni subjekat CEROL d.o.o. Brčko distrikt, Cerik bb, 76100 Brčko distrikt;
- privredni subjekat AGRAGOLD d.o.o. Brčko distrikt, Bijeljinska 9, 76100 Brčko distrikt;
- privredni subjekat STUDEN & CO LOGISTIKA d.o.o. Brčko, Lučka bb, 76100 Brčko distrikt;
- privredni subjekat D.D. ŽITOPROMET Brčko, Industrijska 3, 76100 Brčko distrikt;
- privredni subjekat STUDEN & CO HOLDING SE d.o.o. Brčko, Industrijska 3, 76100 Brčko distrikt;
- privredni subjekat MINGOS-COFFEE d.o.o. Gradačac, Ledenice Donje bb, 76250 Gradačac;
- privredni subjekat STUDEN-AGRANA d.o.o. Brčko, Industrijska 4, 76100 Brčko distrikt.

1.3. Privredni subjekat BANJALUČKA PIVARA

Privredni subjekat Akcionarsko društvo BANJALUČKA PIVARA Banja Luka, Slatinska 8, 78000 Banja Luka, registrovano je u Okružnom privrednom sudu u Banja Luci pod brojem: 1-29-00, JIB: 4400942290007. Osnivači privrednog subjekta BANJALUČKA PIVARA su Akcionari prema Izvještaju Centralnog registra hartija od vrijednosti a.d. Banja Luka kojih trenutno ima 4.837.

¹ (..)** - Podaci predstavljaju poslovnu tajnu, u smislu člana 38. Zakona o konkurenciji

Pretežne registrovane djelatnosti privrednog subjekta BANJALUČKA PIVARA su proizvodnja i trgovina na veliko i malo pivom i ostalim osvježavajućim pićima.

Privredni subjekat BANJALUČKA PIVARA nema povezanih društava na teritoriji Bosne i Hercegovine.

2. Privredni subjekat EKOPAK

Privredni subjekat EKOPAK – Društvo za postupanje sa ambalažnim otpadom d.o.o Sarajevo, Zmaja od Bosne 7-7a, Objekat O3, 71000 Sarajevo, upisan je u Općinskom sudu u Sarajevu, dana 28.4.2011. godine pod brojem: 65-01-0397-11, JIB: 4201654990000.

Podnosioci prijave su osnivači privrednog subjekta EKOPAK, na osnovu „Ugovora o osnivanju privrednog društva EKOPAK d.o.o.“ zaključenog dana 13.4.2011. godine.

Izmjenama i dopunama „Ugovora o izmjeni Ugovora o osnivanju“ zaključenog dana 16.12.2011. godine u Sarajevu došlo je do promjene vlasničke strukture u privrednom subjektu EKOPAK, jer su privredni subjekat ARGETA d.o.o. Sarajevo, Donji Hadžići 138, 71000 Sarajevo i privredni subjekat BIHAČKA PIVOVARA d.d. Bihać, Vinička bb, 77000 Bihać postali suvlasnici u privrednom subjektu EKOPAK.

Posljednjom izmjenom „Ugovora o osnivanju privrednog društva EKOPAK“ zaključenog dana 13.6.2012. godine u Sarajevu došlo je do promjene vlasničke strukture u privrednom subjektu EKOPAK, jer su privredni subjekat ORBICO d.o.o. Sarajevo, Lužansko polje 7, 71000 Sarajevo i privredni subjekat VIOLETA d.o.o. Tomislavgrad, Kolo bb, 80240 Kolo, postali suvlasnici u privrednom subjektu EKOPAK.

Prema izvodu iz registra Općinskog suda u Sarajevu (rješenje broj: 065-Reg-12-002432 od dana 6.7.2012. godine), nakon provedenih promjena „Ugovora o osnivanju privrednog društva EKOPAK“ svi navedeni privredni subjekti imaju u privrednom subjektu EKOPAK po (..)**% vlasničkih udjela i (..)**KM upisanog osnovnog kapitala (ukupan upisani osnovni kapital (..)**KM).

Pretežne registrovane djelatnosti privrednog subjekta EKOPAK su trgovina, upravljanje ambalažom i ambalažnim otpadom. Privredni subjekat EKOPAK ima Rješenje za operatera sistema upravljanja ambalažnim otpadom izdato (Ministarstvo zaštite okoliša i turizma u Vladi FBiH) dana 9.5.2012. godine pod brojem: UPI 04/4-23-21/12-AB, koje važi od dana 1.1.2012. godine do dana 31.12.2016. godine, čime je privredni subjekat EKOPAK djeluje kao operater za obavljanje poslovnih aktivnosti sa ambalažnim otpadom.

3. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekata učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajedničko tržišni udjel učesnika koncentracije na relevantnom tržištu veće od 40,0%.

Ukupni ostvareni godišnji prihodi privrednih subjekata učesnika predmetne koncentracije (s povezanim društvima) na dan 31.12.2010. godine:

Tabela 1.

Ukupni prihod (KM)	Coca-Cola HBC B-H	BIMAL	BANJALUČKA PIVARA
Bosna i Hercegovina	(..)**	(..)** **	(..)**
Svijet	(..)***	(..)** **	(..)**

Izvor: podaci iz Prijave; *Konsolidovani neto prihod od prodaje Coca-Cola Hellenic;**Ukupan prihod privrednog subjekta BIMAL (s povezanim društvima) (..)**KM

Prema podacima iz Prijave ukupan ostvaren prihod privrednog subjekta BIMAL sa njegovim povezanim društvima u 2010. godini je bio (..)**KM u Bosni i Hercegovini (..)**KM na svjetskom tržištu (privredni subjekat BIMAL - svijet (..)**KM, BiH (..)**KM; privredni subjekat STUDEN & CO.AREX d.o.o., Kerep bb, 76250 Gradačac - svijet -, BiH (..)**KM; privredni subjekat CEROL d.o.o. Brčko distrikt, Cerik bb, 76100 Brčko distrikt - svijet -, BiH (..)**KM; privredni subjekat AGRAGOLD d.o.o. Brčko distrikt, Bijeljinska 9, 76100 Brčko distrikt - svijet -, BiH (..)**KM; privredni subjekat STUDEN&CO LOGISTIKA d.o.o. Brčko, Lučka bb, 76100 Brčko distrikt -svijet -, BiH (..)**KM; privredni subjekat D.D. ŽITOPROMET Brčko, Industrijska 3, 76100 Brčko distrikt - svijet -, BiH (..)**KM; privredni subjekat STUDEN&CO HOLDING SE d.o.o. Brčko, Industrijska 3, 76100 Brčko distrikt - svijet (..)**KM, BiH (..)**KM; privredni subjekat MINGOS-COFFEE d.o.o. Gradačac, Ledenice Donje bb, 76250 Gradačac - svijet (..)**KM, BiH (..)**KM; privredni subjekat STUDEN-AGRANA d.o.o. Brčko, Industrijska 4, 76100 Brčko distrikt – svijet (..)**KM, BiH (..)**KM).

Obzirom da je privredni subjekat EKOPAK osnovan 2011. godine, u 2010. godini nije imao prihoda.

Godišnji prihodi učesnika koncentracije (Tabela 1.) predstavljaju ukupne prihode (bez poreza na dodanu vrijednost i drugih poreza koji direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterija za ocjenu koncentracija privrednih subjekata.

Konkurencijsko vijeće, u skladu s članom 43. stav (7) Zakona, pri izračunu ukupnog godišnjeg prihoda učesnika koncentracije je koristilo kriterije i standarde Obavjetenja Evropske komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekata.

Budući da su ispunili uslove ukupnog godišnjeg prihoda, u smislu člana 14. stav (1) Zakona, isti su bili obavezni podnijeti prijavu koncentracije, u smislu člana 16. stav (1) Zakona.

4. Pravni okvir koncentracije

Konkurencijsko vijeće je u provođenju postupka ocjene dopuštenosti predmetne koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10), te Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik BiH“, broj 34/10).

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavještenja Evropske Komisije o pojmu zajedničkog pothvata sa značenjem koncentracije prema Uredbi Vijeća (EZ) broj: 4064/89 o kontroli koncentracija privrednih subjekata, pravosudno Obavještenje tumačenju Uredbe Vijeća (EZ) broj: 139/2004 o kontroli koncentracija koju je Evropska Komisija usvojila u julu 2007. godine, Obavještenja Evropske Komisije o izračunu ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata te Presudu Suda EU ECJ u predmetu T 282/02 Cementbouw v. Commission, paragraf 62 (2006) ECR II-319. Također, Konkurencijsko vijeće je uzelo u obzir

i Pravilnik o upravljanju ambalažom i ambalažnim otpadom („Službene novine FBiH“ broj 88/11).

5. Pravni osnov i pravni oblik koncentracije

U Prijavi je dostavljen, kao pravni osnov koncentracije „Ugovor o osnivanju privrednog društva EKOPAK d.o.o.“ (dalje u tekstu: Ugovor) potpisan dana 13.4.2011. godine u Sarajevu od strane zakonskih (ovlaštenih) zastupnika privrednih subjekata Coca-Cola HBC B-H, BIMAL i BANJALUČKA PIVARA.

Konkurencijsko vijeće je prihvatilo predmetni Ugovor kao pravni osnov predmetne koncentracije, u smislu člana 16. stav (1) Zakona, a u vezi sa članom 30. stav (1) tačka a) Zakona i članom 9. tačka f) alineja 14. Odluke o načinu podnošenja prijave i kriterijima za ocjenu koncentracija privrednih subjekata.

Evropska komisija donijela je Uredbu broj: 4064/89 (ECMR), koja u čl. 2. i 3. stav 4), kao i Obavještenje Evropske Komisije o pojmu zajedničkog pothvata sa značenjem koncentracije prema Uredbi Vijeća (EZ) broj: 4064/89 o kontroli koncentracija privrednih subjekata gdje se u stavu 12) i 13) definiše da se treba praviti razlika između koncentrativnog i kooperativnog *zajedničkog ulaganja*. Donošenjem nove Uredbe 139/2004 i pravosudne Obavijesti o tumačenju ove Uredbe iz 2007. godine, koncept koncentrativnog i kooperativnog zajedničkog ulaganja mijenja se u koncept *full-function* i *non full-function* joint venture.

Prema Uredbi o kontroli koncentracija Evropske komisije, zajedničko ulaganje koje na dugotrajnoj osnovi obavlja sve funkcije samostalnog privrednog subjekta smatra se koncentracijom. Kako bi zajedničko ulaganje ispunjavao kriterij *full-function* i time se smatralo koncentracijom, dovoljno je da je zajedničko ulaganje:

- samostalno u operativnom smislu na tržištu,
- obavlja sve funkcije koje obavljaju i drugi privredni subjekti na tržištu,
- ima svoju vlastitu imovinu, poslovne prostorije i zaposlenike,
- značajan dio proizvoda/usluga koje su predmet poslovanja će prodavati ili nabavljati i od drugih privrednih subjekata na tržištu, a ne samo od privrednih subjekata osnivača.

Na osnovu navedenih kriterija je utvrđeno da je privredni subjekat EKOPAK samostalan privredni subjekat koji obavlja sve funkcije kao i njegovi konkurenti na relevantnom tržištu, ima svoje vlastite zaposlenike i imovinu i potpisane ugovore sa oko 200 klijenata za koje također vrši poslove upravljanja ambalažnim otpadom.

Uvidom u predmetni Ugovor je utvrđeno, posebno u član 2., da se privredni subjekat EKOPAK osniva na neodređeno vrijeme, tj. na dugoročnoj osnovi.

Slijedom navedenog pravni oblik koncentracije predstavlja zajedničko ulaganje na dugoročnoj osnovi, dva ili više nezavisnih privrednih subjekata, koji djeluje kao nezavisan privredni subjekat, u smislu člana 12. stav (1) tačka c) Zakona.

6. Relevantno tržište

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju

međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti privrednog subjekta EKOPAK koji je u ovom slučaju predmetom koncentracije, relevantno tržište proizvoda i/ili usluga u konkretnom slučaju je tržište upravljanja ambalažnim otpadom.

Slijedom navedenog, pod relevantnim tržištem koncentracije smatrat će se tržište upravljanja ambalažnim otpadom na teritoriji Bosne i Hercegovine.

Podnosioci prijave su na osnovu ukupne procjene plasmana ambalaže od (..)**tona u Bosni i Hercegovini, procijenili da privredni subjekat EKOPAK ima između 14,0%-18,0% udjela na relevantnom tržištu u Bosni i Hercegovini na osnovu svoje djelatnosti i 200 potpisanih ugovora sa privrednim društvima za koje obavlja djelatnosti upravljanja ambalažnim otpadom.

7. Ocjena koncentracije

Konkurencijsko vijeće je nakon procjene i analize podataka i činjenica u postupku donošenja predmetnog Rješenja, u smislu člana 17. Zakona, utvrdilo da se radi o koncentraciji privrednih subjekata koji ne djeluju na istom relevantnom tržištu, te da ista neće dovesti do ograničavanja ili narušavanja tržišne konkurencije.

Aktivnosti privrednog subjekta EKOPAK imaju pozitivne efekte za krajnje potrošače, i da upravljanje ambalažnim otpadom od drugih privrednih subjekata doprinosi:

- specijalizovanom i kvalitetnijem upravljanju otpadom, pa tako i zaštiti okoliša;
- ekonomičnijem poslovanju samih proizvođača ambalažnog otpada, koji ovu aktivnost mogu povjeriti operateru, a oni se posvetiti razvoju kvaliteta svojih proizvoda;
- nižim cijenama za krajnje potrošače, jer proizvođači ambalažnog otpada, ukoliko istim upravljaju putem operatera, sami dobijaju ovu uslugu po najnižoj mogućoj cijeni, što doprinosi nižim proizvodnim troškovima, pa tako i najpovoljnijim cijenama po potrošače;

Slijedom navedenog, Konkurencijsko vijeće je ocijenilo predmetnu koncentraciju dopuštenom u smislu člana 18. stav (2) Zakona, i odlučilo kao u dispozitivu ovog Rješenja.

8. Novčana kazna

Konkurencijsko vijeće, u smislu člana 49. stav (1) tačka b) Zakona, izriče novčanu kaznu do 1,0% od ukupnog prihoda u prethodnoj godini poslovanja radi neprijavlivanja koncentracije, u smislu člana 16. stav (1) Zakona.

Također, u smislu člana 48. stav (1) tačka e) Zakona radi provođenja koncentracije bez rješenja Konkurencijskog vijeća izriče novčanu kaznu privrednom subjektu do 10,0% od ukupnog prihoda u prethodnoj godini poslovanja, u smislu člana 18. stav (9) istog Zakona.

Konkurencijsko vijeće je utvrdilo da privredni subjekti Coca-Cola HBC B-H, BIMAL i BANJALUČKA PIVARA nisu prijavili koncentraciju u zakonom propisanom roku, u smislu člana 16. stav (1) Zakona, odnosno da su predmetni Ugovor učesnici koncentracije zaključili

dana 13.4.2011. godine, te shodno tome zakonski rok od 15 dana za prijavu koncentracije je istekao dana 28.4.2011. godine.

Uvidom u izvod iz sudskog registra za privredni subjekat EKOPAK, Konkurencijsko vijeće je utvrdilo da je privredni subjekat EKOPAK upisan u sudski registar Općinskog suda u Sarajevu dana 28.4.2011. godine što potvrđuje da je koncentracija provedena bez rješenja Konkurencijskog vijeća. Slijedom navedenog, utvrđeno je da privredni subjekat EKOPAK djeluje gotovo dvije godine bez rješenja Konkurencijskog vijeća, te je ovaj podatak uzet u obzir pri utvrđivanju trajanja povrede, u smislu člana 52. Zakona.

Također, Konkurencijsko vijeće je prilikom utvrđivanja visine novčane kazne uzelo u obzir i činjenicu da je Prijava podnesena samoinicijativno od učesnika koncentracije.

Na osnovu navedenog, Konkurencijsko vijeće je izreklo novčanu kaznu, u tačkama 3. i 4. dispozitiva ovog Rješenja:

- privrednom subjektu Coca-Cola HBC B-H od 44.312,00 KM, što iznosi (..)**% od ukupno ostvarenog prihoda u 2010. godini, za nepodnošenje Prijave, u smislu člana 16. stav (1) Zakona i novčanu kaznu od 139.582,00 KM, što iznosi (..)**% ukupnog prihoda, za provođenje koncentracije bez rješenja Konkurencijskog vijeća, u smislu člana 18. stav (9) Zakona, odnosno ukupnu kaznu od 183.894,00 KM;
- privrednom subjektu BIMAL od 104.572,00 KM, što iznosi (..)**% od ukupno ostvarenog prihoda u 2010. godini, za nepodnošenje Prijave, u smislu člana 16. stav (1) Zakona i novčanu kaznu od 329.403,00 KM, što iznosi (..)**% ukupnog prihoda, za provođenje koncentracije bez rješenja Konkurencijskog vijeća, u smislu člana 18. stav (9) Zakona, odnosno ukupnu kaznu od 433.975,00 KM;
- privrednom subjektu BANJALUČKA PIVARA od 9.525,00 KM, što iznosi (..)**% od ukupno ostvarenog prihoda u 2010. godini, za nepodnošenje Prijave, u smislu člana 16. stav (1) Zakona i novčanu kaznu od 29.273,00 KM, što iznosi (..)**% ukupnog prihoda, za provođenje koncentracije bez rješenja Konkurencijskog vijeća, u smislu člana 18. stav (9) Zakona, odnosno ukupnu kaznu od 38.798,00 KM.

Konkurencijsko vijeće smatra da izricanje navedenih novčanih kazni, pored kažnjavanja privrednih subjekata radi kršenja odredbi Zakona, treba imati i preventivan efekat kako bi odvratilo druge privredne subjekte od djelovanja ili nastavka ponašanja koje predstavlja kršenje odredbi Zakona.

U slučaju da privredni subjekat Coca-Cola HBC B-H, privredni subjekat BIMAL i privredni subjekat BANJALUČKA PIVARA ne izvrše uplate novčanih kazne u utvrđenom roku, Konkurencijsko vijeće će zatražiti od relevantnih tijela prinudno izvršenje istih, te obračunati zateznu kamatu za vrijeme prekoračenja roka uplate novčane kazne, u skladu sa propisima Bosne i Hercegovine.

9. Administrativna taksa

Podnosioci prijave na ovo Rješenje, u skladu sa članom 2. Tarifni broj 107. tačka d) Odluke o administrativnim taksama u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11), su dužni platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

10. Pouka o pravnom lijeku

Ovo Rješenje je konačno i protiv istoga nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednica

Gordana Živković